



W

h

+



42

FACVLTATIS IVRIDICÆ
DECANVS,
CONR. WILHELMVS
Strecker/ JCTVS,

PRÆLAVDATÆ FACVLTATIS, ET IVDICII
ELECTORALIS PROVINCIALIS ASSESSOR, PROFES-
SOR COD. PVBL. ORD. CIVITATIS SYNDICVS
PRIMARIVS ET CONSVL,

AD
AVDIENDAM LECTIONEM CVRSORIAM
ad L. 7. C. de interdict. matrim. int. Pupill. & Tutor.

ET
DISSERTATIONEM INAUGURALEM
AD DIEM VI. JVNII MDCCXXXVI.
LECTOREM BENEVOLVM
PERHVMANITER INVITAT.

ERFORDIÆ,
Typis JOHANNIS CHRISTOPHORI HERINGII,
Acad. Typogr.

FACULTATIS IURIDICAE
DECANVS
CONR. WILHELMVS

PRÆFATAE FACULTATIS ET IUDICII
MAGISTRORVM ET ACADEMICORVM
PROFESSORVM ET ACADEMICORVM
CIVITATIS ET CONVENTVS

AD
AUDIENDAM LECTURAM CAESARIAM
DISESSERTIONEM INAUGURALEM
LECTORVM BENIGOLVM

THEOPHILVS THEOPHILVS STRONCH
1704





O Riginem Matrimonii ad jus naturale, vel potius ad Authorem naturæ referri, nemo est, qui ambigit; posteaquam enim natura rationalis cum mortalitate simul & perpetuitate creata fuit; inventum est matrimonium tanquam medium & seminarium, per quod natura rationalis de sæculo in sæculum propagatur; id ipsam tamen sub præcepto institutum esse, licentioso calamo cum illis, qui carne magis, quam Spiritu animati sunt, nolimus sentire, cum præceptum illud, si quod fuerit, affirmativum, indefinitum ac indeterminatum singulos necessario & quovis tempore non obliget. Pontius *de matrim. lib. 1. C. 4. n. 11.* sed libero cujusque dono continentix beati arbitrio relinquatur, utrum cæco & intempetivo quandoque amore inescatus mulierare, Gynæocratumenum agere, aut imperiofæ, imò non rarò vix tolerabili Gynæocratix, oneribusque quæ occurrunt, innumerabilibus se subducere & aureâ libertate ulterius frui præamet. Interim via, quam ad matrimonium natura hortatur, cuilibet patet, nisi & ipsa natura, vel lex vel canon obicem ponat. Natura siquidem abhorret à nuptiis nefariis inter parentes & liberos; lex autem & canon

prohibent conjugia vel in perpetuum, vel tantum ad tempus vel ratione officii. Sic ratio potentatûs quondam obstat, quò minus Præses Provinciæ sive Præfectus cohortis sceminam ejus jurisdictioni suppositam, vel ibi domicilium habentem, ante officium depositum, in matrimonium ducere poterit. *L. 38. § 57. ff. de R. N. t. r. C. Si quæcunque prædit. potest.* Similiter lex Julia & Papia ob amplissimi ordinis senatorii dignitatem nuptias Senatoris cum liberta s. propria s. aliena prohibet *L. 23. § 44. ff. de R. N.* At jure Novissimo non minus, quam jure canonico constitutum est, ut etiam maximis decorati dignitatibus cum libertis & aliis humilioribus sceminis possint contrahere. *Nov. 78. § 117. C. 3. si quis ancillam. 29. q. 2.* Interdictum quoque ratione officii est matrimonium, inter pupillam & tutorem seu Curatorem, filiosque eorum, idque ratione muneris autoritate publici & utilitate privati, ne scilicet tutores aut curatores potestate, quam habent, abutantur & pro arbitrio, nutuque suo pupillas sibi concreditas ad matrimonium inducant, easque in re familiari circumscribant, atque fraudes in tutelæ vel curatellæ administratione admittas domesticæ velamento matrimonii tegant. Alii & hanc reddunt rationem, quod metu contractum præsumatur hoc matrimonium, quò eousque procedit, ut non valeat excusatio ejus, qui ad rusticitatem aut ignorantiam provocat *L. 1. C. de interd. matrim. int. pupill.* ratio colligitur ex *L. 7. C. eod.* quod nempe fraude hac malam suam administrationem tegere voluerit, & quando fraus in rustico deprehenditur, tunc rusticitate sua se excusare haud potest, fraus ergo ipsa facit, ut intelligamus rusticum non per imperitiam aut rusticitatem, sed prudenter ita egisse, & tale rusticitatis velamentum ipsi prodesse non debet, nec prætensa ignorantia, quæ quamvis in regula rusticis potissimum

num si peritiores consulendi eis occasio deficiat, non no-
ceat, attamen si rusticus in jure civili notorio errat, & con-
tra speciem honestatis peccat, non juvatur ignorantiae ex-
ceptione Tiraq. *de pen. temp. caus. ii. n. 9. seqq.* Sed cum
tutela vel cura pupillæ vel curandæ finita, redditæque fue-
rint rationes, insuper pupillus vel curandus vigesimum
quintum, vel de jure Saxonico & his in locis, liberis Acade-
micorum exceptis, vigesimum primum ætatis annum cum
quadriennio, intra quod restitutio locum habet, superaverit,
ob cessantes supra adductas rationes matrimonium tenet.
L. 6. de interd. mar. int. pup. & tut. Similiter conjugium cum
tutore vel curatore non improbat, si Pater filiam huic vel
illi vel in vivis vel moribundus serio destinaverit, idque ob
cognitam futuri generi integritatem, fidem atque sincerita-
tem. Quin & superior, quia hæc prohibitio est meri juris
civilis, dispensare possit, non dubitatur Covarr. *de matr. p. 2.*
C. 6. §. 9. Filius tutoris vel Curatoris an ducere possit pu-
pillam vel curandam Patris? pariter juxta *L. 4. §. 7. de interd.*
matrim. int. pupill. negatur, ob easdem supra deductas ratio-
nes, & quidem ita, ut non tantum matrimonium habeatur
pro nullo, sed etiam dos data repetatur & tutor infamiam
incurrat. Aliud videtur dicendum de Procuratoribus & ne-
gotiorum gestoribus, qui licet ad rationes reddendas etiam
teneantur & eadem, quæ contra tutores & curatores mili-
tat, videatur subesse ratio, & consequenter eadem juris di-
spositio obtinere debeat; nihilominus tamen lex poenalis de
vero tutore disponens, ad negotiorum gestores, imo nequi-
dem ad Pro-tutores non est extendenda, quia in his vis ac po-
testas, quam verus tutor in personam pupilli habet, & vene-
ratio ei debita cessat, & aliàs nemo in conjugem ambire pos-
set illam, cujus negotia administrasset. *Christin. Vol. 3. decis.*

130. n. 3. Quamvis hodie plurimi fateantur, ab his legum prohibitionibus, quod nempe tutor vel curator vel filii eorum pupillam vel curandam ducere non possint, recessum esse, idque ob magnum matrimonii favorem, quem potius ampliandum, quam restringendum esse censent, creduntque de jure Canonico has pœnas, certo tempore aut certo modo contrahere nuptias, ob plenam matrimonii libertatem esse invalidas Peretz in *Cod. lib. 5. tit. 6. n. 4.* RITTERSHVS. de *different. jur. Civ. & Can. lib. 1. C. 20.* & Pœnas civiles in tutores & Curatores constitutas nunquam receptas esse BRVNN. ad *tit. C. de interd. mat. int. pupill. n. 1. & 15.* illa tamen opinio ex jure Canonico non adeo liquida est, siquidem ex *C. 2. X. de sponsal.* in quo interpretes fundamentum suum ponere videntur, nihil certi eruitur; Hinc non sine ratione videtur dissentire CYNVS existimans, illius tituli, nempe *de interd. matrim. int. pupill.* dispositionem etiam hodie procedere in terris Imperii, quoad infamiam, aliasque pœnas tutorum & Curatorum, licet matrimonii vinculum sit efficax, ex eâ potissimum ratione, ut tutorum ac Curatorum perfidia, & fraudi frænum injiciatur, & ne sub spe matrimonii bona impuberum dissipentur, quod facile contingere potest illis in locis, in quibus singulis annis ad rationes reddendas non astringuntur; quare in variis Germaniæ locis per leges provinciales, testante Stryckio *U. M. ff. lib. 23. tit. 2. §. 10. in fin.* jus commune approbatum & tale matrimonium, stante tutelâ vel curatelâ, saluberrimè prohibitum est, quod ipsam occasione *L. si tutor. 7. C. de interd. matrim. int. pupill. & tut. ex cathedra* suus deducet

NOBILIS ET CLARISSIMVS
DOMINVS
CHRISTIANVS BENJAMIN
WACHTER,

De cujus natalibus, vita, studiorumque exantlatorum cursu quaedam ex more recepto veniunt recensenda; dedit enim ei Ciza nascendi sortem circa finem Anni MDCCXII. die 18. Novembris, Patre JOHANNE THEODORO WACHTERO, Camera Cizensis Commissario, cujus mortem præmaturam adhuc deplorat, Matre vero è gente BLEYMÜLLERIANA. Quorum parentum provida fuit cura, ut crescentibus annis tam pietatis, quam morum, literarumque fundamentis imbueretur. Prima siquidem literarum rudimenta privatis Institutionibus domi jacta sunt. Deinde vero per quadriennium in Gymnasio Cizensi ad altiora sese præparavit, quo exacto, Almam Lipsensem A. MDCCXXXII. salutavit, & à LUDOVICO, Organi Aristotelici Professore publico, & tunc temporis magistratum Academicum gerente, Civium Academicorum jura obtinuit. Ab isto tempore principia Philosophica à DN. D. MÜLLERO hausit. Non solum Institutiones Juris Justiniani à GEBAVERO, Jus autem ecclesiasticum & Pandectas à DN. D. TRAVGOTT THOMASIO explicatas audivit. Sed etiam, ut feliciori successu in forum prodire posset, se DN. D. JOACHIMO addixit, quo etiam moderatore privata instituit certamina. Peracto tandem studiorum studio, supremos in utroque jure pro Licentia honores ab Ordine Juris Consultorum hacce in Academia Illustri modeste petiit. Petitis ejus annuimus, & textus ex utroque jure resolvendos ei communicavimus, quos exactè resolvit; & ad quaestiones

nes propositas ita respondit, ut supremis jurium honoribus
cum unanimiter dignum judicaverimus, quare proximo die
Mercurii horis consuetis ad L. 7. C. de interd. matrim. int. pu-
pill. & tur. lectionem cursoriam, & illa finita disputationem
inauguralem

DE
NON ENTE CIVILI
INFAMIA FACTI,

habebit. Ad quos actus solennes Magnificus Dominus Re-
ctor, nec non reliqui Domini Proceres & Cives Academici
humanissime invitantur, rogantur. Publicatum sub Sigillo
Facultatis Juridicæ d. 3. Jun. MDCCXXXVI.




153 744

AB 153 744

X 2512617

2





42

FACULTATIS JURIDICÆ
DECANVS,
CONR. WILHELMVS
Strecher/ JCVS,

PRÆLAUDATÆ FACULTATIS, ET JVDICII
ELECTORALIS PROVINCIALIS ASSESSOR, PROFES-
SOR COD. PVBL. ORD. CIVITATIS SYNDICVS
PRIMARIVS ET CONSVL,

AD
AVDIENDAM LECTIONEM CVRSORIAM
ad L. 7. C. de interdict. matrim. int. Pupill. & Tutor.

ET
DISSERTATIONEM INAUGURALEM
AD DIEM VI. JVNII MDCCXXXVI.
LECTOREM BENEVOLVM
PERHVMANITER INVITAT.

ERFORDIÆ,
Typis JOHANNIS CHRISTOPHORI HERINGII,
Acad. Typogr.